

Dänkapparat

Text und Musik:
Jacob Stichelberger

November 2004

Dänkapparat

1. I weises ja sälber bi leider beschränkt
bi äbe so eine wo chrum borent dänkt
en eifachi Frag und scho bini am Hag
für mi wo nie drus chunt wird ds Danke zur Plag
drum ha mi entschlossen und schryte zur Tat
und choufen e passende Dänkapparat
2. Im Geschäft für so Sache dert gahn i verby
d'Verchöifere fragt mi, was darfs bi euch sy?
und deren erchlären i gründlech my Lag
i chäm mit em logische Danke nid z'Schlag
im Hirni es Ghürsch und im Chopf e Saiaat
drum bruchen i dringend e Dänkapparat
3. Di Dame versteit offebar myni Nöt
und fragt mi, i walem Grad syter de biödt?
ischs liecht oder mittelschwär oder massiv?
ächt ender e Löl oder ender naiv?
für jedi Art Dümni i jedem Format
für alls gits ab Stangen e Dänkapparat
4. Mir hei sogar, seit si, säbscht d'Fachiüt si baff
es Äxtramodell für e chrüzdümmen Aff
und wen dir so eine syt s'chönnt de no sy
de nämet das Grät s'git es Jahr Garantie
für Trottel wien i sygis dä Outomat
er loufi wie gschmieret dä Dänkapparat
5. I choufe das Ding s'isch ja klar und i ha
zum Apasse ds Hirni im Geschäft müesse lah
bald bin i im Chopf obe nümme invalid
nümme Lieder wie das da nei gly si si gschyd -
dr Spruch für mys Grab hani hüt scho parat:
hie roschtet in Fride e Dänkapparat

November 2004